



hediye:

İstanbul  
Ticaret ve Sanayi Odası  
Taraftarına parasız verilmiştir

B 220

# حزینة محاکمہ

جمعه ایرتسی

نومرو	جاذی الاخره	سنه	مارت	سنه
۳۴۰	۷	۱۳۰۳	۱	۱۳۰۲

اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه  
 یکر می غروش حسابیله التمش غروشدر طشره لر ایچون اون بش غروش پوسته اجرتی ضم اولنور بهر  
 نسخه سی نه مجیدیه یکر می غروش اولمق اوزره یوز پاره به هر یرده صاتیلور درج اولنه جق اعلانا تک  
 هر برندن بر مجیدیه اخذ اولنور سنه لکنه مشتری اولمق استیانلر عدلیه نظارتی دائره سنده کاشن  
 جریده محاکم اداره سنه مراجعت ایلیدر

## قسم غیر رسمی


بیک اوچوز بر سنه سی ایلونک اون سکرتچی  
 چهارشنبه کیجه سی ساعت یدی راده لرنده  
 قاضی قریه سنده قوش دیلی نام محله کاشن  
 غازینونک مستأجری واسیلک زوجہ سی ماریه بی  
 جرح و قتل ایتمسندن طولایی مظنون علیه بولنان  
 بحر سیاه طویجی الاینک اوچنجی بلوکی ملازم  
 ثانسی ایکن اخیراً تلغراف بلوکنه نقل ایدیلان محمود  
 بکک محاکمه ضبط نامه سیدر

بیک اوچوز بر سنه سی ایلونک اون سکرتچی  
 چهارشنبه کیجه سی ساعت یدی راده لرنده قاضی

## قسم رسمی

( اعلان مخصوص )

جریده محاکم بدنجی سنه سی خنامه رسیده  
 اولوب سنه سابق ابونلرینک مدتی منقضیه  
 اولدیغندن واشبو سکرتچی سنه سی یعنی اوچوز  
 ایکی سنه سی ایچون دخی اوچوز قرقچی  
 نومرودن اعتباراً کافی السابق نشرینه دوام  
 اولنه جغی بدی بولندیغندن ابونه تجدیدینی آرزو  
 ایدنلرک معلومی اولمق و بدلی بروجہ پشین تأدیہ  
 ایله اداره مزه اعطای معلومات قلمتی اوزره  
 اعلان کیفیتہ ابتدار اولندی



قریه سنده قوش دیلی نام محله کائن غازینونک  
 مستأجری واسیلک زوجہ سی ماریہ بی جرح  
 و قتل ایتمندن طولای مظنون علیہ بولنان بحریہ  
 طویچی الینک اوچیجی بلوکی ملازم تانیسی  
 ایکن اخیراً تلغراف بلوکنه نقل ایذیلان محمود  
 بکک جنایتله اتهام اولندیغنه دائر هیئت اتهامیه دن  
 تنظیم ایذیلان فی ۱۶ صفر سنه ۳۰۳ تاریخی  
 و ۳۵۶ نومرولی مضبطه ایله استیناف مدعی  
 عمومیلکی مأموریت علیہ سنک فی ۲۰ صفر  
 سنه ۱۳۰۳ تاریخی و ۱۱۲۲ نومرولی  
 اتهامنامه سی اوراق متفرعه سیله فی ۲ ربیع  
 الاول سنه ۳۰۳ تاریخی محکمه جنایتہ تودیع  
 اولغله بالمطالعہ تفصیلاتی اولساده طوتیلان  
 ضبطنامه دن مستبان اوله جغی اوزره اصول  
 محاکات جزایه قانون موقتک باب نایسنک فصل  
 رابعده محرر معاملات ابتدایه بعد الایفا سنه  
 مذکورہ ربیع الاخرینک یکرمی طقوزنجی  
 چهارشنبه کونی متهم مرقوم محمود بک قانون  
 دائره سنده منسوب اولدیغی دائره عسکریه  
 توقیفخانه سندن جلب ایله وکیلی طنغزاده سمیون  
 افندی یانده اولدیغی و مافوقی رتیده بولنان  
 ملازم اول حسن و مدعی عمومی معاونی عزتلو  
 جدی افندیلر ایله مدعی شخصی متوفیه مزبورہنک  
 زوجی واسیل حاضر بولندقلری حالده محاکمه  
 علیہ بالابتدای ککندوسنه و وکیل  
 عمومی ایله طنغزاده سمیون افندی به قانون  
 مزبورک ایکویز التمش دردنجی و ایکویز التمش

بشچی ماده لری مندرجاتی بعد الاخطار اتهام  
 مضبطه سیله اتهامنامه ضبط کاتبی شوکت افندی به  
 قرائت ایتمندن  
 مذکور مضبطه نک مالی مظنون علیہ محمود بک  
 مزبورہ ماریہ بی پدرینک متصرف اولدیغی باغہ  
 کتوره رک پاطلیجان ترلاسنک ایچروسنده عشرت  
 ایتمکده لر ایکن هر نصلسه بیلمرنده ظهور ایمن  
 منازعه اوزرینه مظنون مرقوم طرفندن روولور  
 ایله جرح و قتل اولدیغی مرقومک قان ایله ملمع  
 اولان ستری و فسی ایله ایکی عدد فشک قوانی  
 وروولورینک مزبورہنک باشی التنده بولنسی  
 و کوملکنده هنوز آتیش باروت قوقوسی اولسی  
 و اثنای وقوعانده باشی اچیق اوله رق فریاد ایله  
 قپونک اچلسنی ایستیبوب نهایت جام قیرهرق  
 کوشکه کیردیکنک خبر ویرلمسی و صکره باشی  
 اچیق ارقه سنده کوملک ایله قپو ارقه سنده  
 طوتلسی وروولورک مرقوم محمود بکک اولدیغی  
 اخبار اولنسی و مزبورہ ماریہنک اثر جرحدن  
 متأثره وفات ایتمدیکی باراپورت بیلدیلمسی ایله  
 ثابت اولش و مرقومک فعل و حرکتی قانون جزانک  
 بوز یتش دردنجی ماده سنک فقره اولسی حکمنی  
 مستلزم افعال جنایتہ دن بولنش اولدیغندن  
 اولوجهله جنایتله اتهامه متفقاً قرار ویردیکنی  
 و اتهامنامه نک مؤداسی دخی مضبطه مذکورده  
 محرر اولدیغی وجهله مرقومک جنایتله متهم  
 بولندیغی بیانی محتویدر  
 قانون مزبورک ایکویز التمش التنجی ماده سنه

توفیقاً اتهامه نک خلاصه سی جانب ریاستدن متهم  
 مرقوم محمود بکک تفهیم و معاون مومی الیه جدی  
 افندی طرفندن دخی اسباب اتهامی تشریح و بیان  
 ایلمکدن صکره مرقوم سویلتدیلمکده مزبورہ  
 ماریہنک کیفیت جرح و قتلنده مدخل و معلوماتی  
 اولیبوب وقعه کیجه سنک کونی قاضی قریه سنده  
 اقشام اوزرینه قدر کزوب عشرت ایتمکدن  
 صکره اسمنی بیله مدیکی برمیخانه دن یارم قیه لک  
 برشیشه روم الهرق قوش دیلمنده ساکن اولدیغی  
 کوشکک باغنه باعزیمه مذکور رومی ایچوب  
 ساعت ایکی بچق راده لرنده قاقوب کوشکک  
 مطبخ قپوسنی دق ایتمکله خدمتی اقبال کلوب  
 اچدیغندن ایچرویه بالدخول بلنده بولنان  
 قلیجی چیقاروب اقباله اعطا و مزبورہ دخی کلش  
 اولان دیگر خدمتی دلبره تسلیم ایتمدیکنی و مطبخده  
 اقبال طرفندن ایصیدلمش اولان بطلیجان سلکمه سنی  
 بعدالاکل اوطه سنه چیقوب البسه لرینی چیقاره رق  
 یاتمش اولدیغنی و ساعت نهمینایدی یدی بچق راده لرنده  
 او یقوده ایکن همشیره سی ثروت خانم کله رک سنی  
 اشاغیدن قول کلش ایستبور دهرک او یاندردیغندن  
 یالکز پانطلوننی التنه الهرق کیکسزین اشاغی به  
 ایندیکنده اخذ و گرفت اولدیغنی بالبیان انکار  
 تهمت ایتمکله مزبورہ ماریه ایله کور بوشوب  
 کورشمیدیکی و صندال ایله کز مکه کیدوب کتمدیکی  
 وروولورک انداختی کیجه ساعت یدی راده لرنده  
 ایلمکندن اولوقت بچچده بولنوب بولندیغنی  
 و سلاح سنه کلش اولان قول هیئتی طرفندن

کندو سترسی ایله فسی و قونیاق شیشه لر ایله  
 قدخلر پاطلیجان ترلاسی ایچروسنده مجروح  
 یاتمده بولنان مزبورہ ماریه نک باشی التنده و یانده  
 بولندیغنی خبر و برلمکده اولدیغنی کبی شمعی حضور  
 محکمه ده ارائه اولنان قان ایله ملمع ستریسنه  
 و مزبورہنک اولوب مقتله بولنش اولان قورسه به  
 نه دیه جکی مرقوم محمود بکدن صورلدقه مزبورہ  
 ماریه ایله غازینویه کتدیکی وقت کورشدیکی  
 و بردفعه دخی مزبورہ و زوجی واسیل ایله برلمکده  
 صنداله بنوب کزدکارینی و بوجه معروض  
 ساعت ایکی بچق راده لرنده مطبخ قپوسندن  
 کوشکه کیروب بعد الطعام پانطلوننی چیقاروب  
 یتاغنه یانیدیغنی و قول هیئتک کلش اولدیغنی خبری  
 و برادیکی زمان پانطلوننی التنه الهرق اشاغی به  
 ایندیکنی و سترسی پاطلیجان ترلاسی ایچروسنده  
 براقیوب دائماً سرخوش اولدیغنی وقت قوندیره  
 و قلیجی بچچیه اچیلان مطبخ قپوسنک یانده  
 براقدیغنی مثللو او اقشام دخی سترسی قپونک  
 اوکنه براقدیغنی و کندوسنه ارائه اولنان ستری  
 ایله فسی کندوسنک ايسه ده سترینک اوزرنده  
 بولنان قانله متحیرایدوکنی و روم شیشه سنی  
 قیردیغنی کبی روولور دخی کندوسنک اولدیغنی  
 تذکار اینلشدر اساس ژورنالی و معاینه راپورتی  
 لدی التبراهه مالری صباچی نظامیه قولنده پولیس  
 افرادندن حسن افندی عاطف بکک باغی درونندن  
 اتیلان چندال سلاح اوزرینه باغ دروننه  
 بالدخول پاطلیجان ترلاسی ایچروسنده غازینوچی

واسيلك زوجته سى ماريه نك باشى جرح اولنه رق  
 ياتمه ده اولديغنى ومومى اليه عاطف بلك مخدومى  
 محمود بك كوشك مطبخى اوزرنده بولنان پنچره نك  
 جامنى شكست ايدوب ياريسى ايجروده وياريسى  
 طيشاروده اوله رق درون كوشكه كيرديكى  
 كورمى اوزر بنه اطرافدن كلان مأمورين ضابطه  
 ونظاميه ايله بالا اجتماع مذکور كوشك ابلوقه  
 ايديله رك قيوبي آچسى جارح مرقومك برادرى  
 على بكه تفهيم اولندقه برادر نك زقاق قپوسى  
 ايج طرفنده كى حاويلده بولنديغى جهته قيوبي  
 اورادن اچمه يه جغنى افاده ايله كيرليجه مطبخ  
 قپوسى اچوب مأمورين موجوده كوشك دروننه  
 بالدخول جارح محمود بلك فى الحقيقه زقاق قپوسى  
 ارقه سنده مالطه طاشى اوزرنده طون وكوملك  
 ايله باشى اچيق ديواره طبالو اوله رق سكر  
 حال اوتورمقه بولنديغى كور يله رك دردست ايله  
 متجاسر مرقومك انداخت ايديكى روولور  
 تحرى اولندقه مقوله مزبوره نك باشى يانده  
 ومحمود بلك اکتسا ايديكى البسه رسميه سندن  
 چاكتى قان ايله ملمع اوله رق مزبوره نك باشى الشده  
 وايكى قونياق شپشه سى مع قدح بولنه رق اخذ  
 ايدليكى و بوبابده اولان معلوماتى برادرى على  
 بكدن صورلدقه اتيلان سلاح سسيله برادرى  
 محمود بلك جامى قيره رق ايجرويه كيرديكندن  
 اويانوب پدر ووالده سنك دخى اول وقت  
 طويدقلى ينى تذكار و معايينه راپورتنده دخى  
 مزبوره ماريه تخميناً يكرمى ايكى پاشنده اوزونجه

هر ايكى اوجندن قويجه اوچتورينه مربوط  
 بولنديغى وشو حالده مزبوره يه فعل شنيع اجرا  
 اولنه مديغى ملحوظ قوى بولتمش ومزبوره نك  
 نغشنده جزقى قونياق قوقوسى حس اولتمش  
 ايسه ده حال سكره دائر بركونا علامت واضحه  
 اكلاشلامش ومزبوره نك حالى غايت تهلكه لى  
 وحالت نزع درجه سنده بولنديغى فناً تحقق  
 ايتمش ايدوكندن يكرمى درت ساعت صكره  
 بزحيات قالدغي حالده تكرر معايينه سى لازم  
 كله چكى ومحمود بك دخى معايينه اولندقه صاغ  
 اليك سبابه پرمنى ايج يوزنده سطحى برعدد ديش  
 ياره سى و بوغاز نك صاغ جهنده مختلف استقامت  
 وجسامنده اوچ عدد طرناق ياره لرى مشاهده  
 اولتمش والان سرخوش ايدوكى روولور دخى  
 لى المعايينه طب انجه نك يقين برزمانده اتلديغى  
 موجود باروت اثرندن ومذکور لكه لك دخى  
 تازه انسان قانى بولنديغى هنوز صبحاق وياش  
 بولتملرندن مستبان اولمش ومؤخراً دخى مزبوره  
 ماريه نك بالمعايينه بوجه معروض قورشون  
 جرحه سندن وفات ايلش اولديغى ميبين ومحتوى  
 اولدقلى اكلاشلسدر قرائت اولنان ژورنال  
 وراپورت مألرينه نهديه چكى مرقوم محمود بكدن  
 صورلدقه مأمورلر برآدى متهم ايتك ايجون  
 ايسندكارى كى ژورنال تنظيم ايديله چكارى ينى  
 وكندوسى يتاقده ياتمه ده اولديغى حالده برادرى  
 على بلك اويله برافاده بولنيمه جغنى وپارمغنده كى  
 جريجه دخى ديش ياره سى اوليوب بوندن مقدم

قلامش اسكاه سنده عشرت ايدوب صنداله بينر  
 ايكن ارقداشى طرفندن سرخوشلق حاليله  
 ايقاع ايدليكى تذكار ايتدى مدعى شخصى  
 واسيلدن دخى صورت وقعه وادعاسى استفسار  
 اولندقه وقعه كوني زوجته سى ماريه اياغنده  
 بولنان ياره سنى تداوى ايتديرمك اوزره قاضى  
 قريه سنده كى عطار كامل افندي يه كيدوب  
 اقشامه قدر عودت ايتديكندن عوجه سنك  
 خانه سندن وسائر ايجاب ايدن محللردن مزبوره نك  
 كلوب كلديكى بالسؤال كلامش اولديغى اكلاقدن  
 واوكيجه والده سنك خانه سنده ياتدقن صكره  
 صباحلين غاز ينوسنه كمتديكندن زوجته سى  
 ماريه نك محمود بلك بغيچه سنده فستانلر ينى  
 كورديكى واوراده بولنانلردن مزبوره نك محمود  
 بك طرفندن جرح واتلاف ايدليكى ايشتديكى  
 ووقعه كيجه سى ساعت درته محمود بك زوجته سى  
 متوفيه ايله برلكده اوله رق فائقك صنداليه  
 كزدكدن صكره بغيچه يه كلدكرنده بغيچوان قسطى  
 كندولر ينه پاطليجان ترلا سندن يول كوسترديكى  
 ايشتديكى بالبيان حقنده قانوناً لازم كلان معامله نك  
 اجراسنى طلب ايدلى مدعى عمومى طرفندن  
 ويريلوب قرائت اولنان شهود پوصله سنده  
 اسملى محرر اولوب جلب اولنان متهم محمود بلك  
 پدر نك خدمتچيلرندن اقبال ودلبرو همشيرلرى  
 عصمت و ثروت خانلر ايله برادرى على بلك متهم  
 مرقومه قرابت ومناسب تلى اولسى ملا بسه سيله  
 بلا تخليف وشفيق وعشقى بكار قانون مزبورك

ایکروز التمش سکرنجی ماده سنه توفیقاً بعد التحلیف  
منفرداً و مواجہتاً استجواب اولندقلرنده بونلردن  
انزال وقعه کونی محمود بکک طراش اولغه  
کیده یورم دیهرک خانہ دن چقبوب کتدیکنی واقشام  
اولوب برادری محل مأمور یندن کلوب خانہ  
خلقی ایله محمود بکی یکمہ بکلمش ایسه لدرده ورود  
ایتمدیکندن بعدالطعام علی بک پدری عاطف بکله  
قهوه خانہ به کیدوب ساعت اوج اوج بچق  
راده لرنده قهوه خانہ دن عودتله خانہ خلقی بتاغہ  
یاندقلری جهتله کندوسیده رفیقہ سی دلبر ایله  
لامبہ لری سوندر دکلرندن برمدت صکره زقاق  
قبوسی اور یلوب دلبر یوقاروده طورہ رق کندوسی  
اشاغی به اینوب قبوی اچدیغنده محمود بک  
بلنده قلنج و باشنده فس و ایاغنده طون و کوملک  
ایله کلہ رک مرقومہ پاطلیجان سلکمه سی اصدہ رق  
بمدالطعام چقبوب یاندقلدن صکره صباحہ قارشو  
قبر چالندیغی جهتله اچدیغنده برطاقم عسکرلر  
خانہ به بالدخول محمود بکی ایستدکلرنده یوقارویه  
چقبوب مرقومی قالدیره رق محمود بک همان  
پانظلوننی انه الہرق ایچ طونیلہ اشاغی به  
عسکرلرک یانہ ایتمدیکنده دردست ایدیلوب  
کتورلدیکنی و سببی مار یه نک جرح و قتل اولنسی  
ایدوکنی او اثناده ایشتمش ایسه ده مرقومک یندہ  
روولور کورمدیکی کبی سلاح سسی دخی ایشتمدیکنی  
بیان و دلبردخی مزبورہ اقبالک افادہ سنی تماماً تصدیق  
و عصمت خانم دخی اقبالک افادہ سی وجہله محمود  
بک اقشام لعافنده بولنچوب ساعت اوج اوج بچق

راده لرنده خانہ خلقی او یقویہ یاندقلرنده صباحہ  
قارشو برادری علی بک قار بولہ سنک یانہ  
کلدیکندن او یانوب سببی صوردیغنده بئچہ به  
عسکر کلش انلری صورہ جنم دیهرک پنچرہ بی  
کشاد ایله نه وار دیهرک سؤال ایتمسایله قبوی  
اچسنی سو یلدکلرندن برادری مومی ایله مطبخ  
قبوسی اقباله اچدیروب عسکرلری ایچرویه  
دلقلرنده برادری محمود بکی زقاق قبوسنک  
ارقه سنندن دردست ایتمکلرنی ولدی السؤال  
وقعه دن برقاچ کون اول مرقوم محمود بک معاش  
الدیغی جهتله کندوسی یارہ ایستوب و بریدیکی  
صرده طبانجه الہ جنم دیہ سویش ایسه ده  
طبانجه الوب المدیغی بیله مدیکی کبی او کبجه سلاح  
سی استماع ایتمدیکنی تذکار و ثروت خانم دخی  
عصمت خانمک افادہ سنی تماماً تصدیق و تکرار  
ایلدیلر علی بک دخی همشیره لر نیک افادہ لری وجہله  
محمود بک اقشام طعامنده بولنچہ رق ساعت  
اوج اوج بچق راده لرنده پدر یله قهوه خانہ دن  
عودتله بتاغہ یاندقلرنده تخمیناً ساعت سکر  
راده لرنده برال سلاح انداخت اولندیغی ایشتمسایله  
او یقودن او یاندقلدن بش دقیقه صکره برال طبانجه  
دها اتلدقلدن برچار یک صکره برجام شافر دیسی  
ایشتمکله یقاندن قالقوب پنچرہ بی اچہرق بئچہ به  
باقدیغنده عسکر و پولیس مأمورینی کورہ رک  
کیم اولدقلرنی سؤال ایتمکله قول هیئت اولدقلرنی  
و بئچہ ده برقادینک مجروحہ یاتمده بولندیغی  
و جارحک دخی درون خانہ به فرار ایتمدیکی جهتله

قبوی اچسنی سو یلر یله جارحک کندوسنه دخی  
مضرتی طوقنور مطالعہ سیله اینوب قبوی اچہ میہ  
جغندن زقاق قبوسی چالملرنی افادہ ایله پنچرہ دن  
کبریت اتوب قبوی دق ایتمکلرندن خدمتی  
اقبال قبوی کشاد ایدرک مأمورلر دخول  
ایتمکلرنده اشاغی به اینہ رک برادری محمود  
بکی باشی اچیق و طون کوملک ایله اشاغیده  
دردستله قرہ غونخانہ به کتوردکلرنی و مؤخرأ  
قومیسر ثروت بک ایله بئچہ به کتدکلرنده مار یه بی  
مجروحہ یاتمده کوردیکنی و شفیق بک دخی وقعه  
صباحی غازینوجی واسیلک زوجه سی مار یه نک  
جنازہ سنی دکز کنارنده کوردیکنی و معلوماتی  
بوندن عبارت ایدوکنی بیان ایتمکله مضبوط  
افادہ سنده بو وقعه دن مقدم واسیلک بوفہ جیسی  
قسطی محمود بک کندوسنه طبانجه تشہیر  
ایلدیکنی برادری علی بک سو یلسی اوزرینہ  
علی بک دخی مرقومک یندن طبانجه بی الورا یکن  
چکھ سنی طیرمالش و پدرینی زردباندن اینوب  
والده سنک بایش اولدیغی مرقوم قسطنینک  
کندوسنه حکایہ ایلدیکی محرر اولدیغی اخطار  
اولندقلده بوجهتی تصدیق و عشقی بک دخی مومی  
ایله شفیق بکک افادہ سنی تماماً تکرار و تأیید  
ایتملر بلہ مومی الیهمانک افادہ لرنہ نہ دیہ جکی علی  
بکدن صورلدقلده کندوسی قسطنی به او یله بر  
افادہ بولندیغی تذکار و مدعی شخصی مرقوم  
دخی محمود بکک وقعه دن مقدم اوزرنده روولور  
طاشدیغی اسملرنی بیله یوب فقط او کرہ نوب

خبرو یرہ بیله جکی ایکی پولیس مأمور نیک کورمش  
اولدیغی افادہ و تکرار ایتملر یله طرفلرنہ جلبنامہ  
ارسال اولندیغی حالده ورود ایتمیان پولیس  
افرادندن حسن افندی ایله عساکر نظامیہ  
نفراتندن عثمان و مصطفی و قسطنینک جلبلریله  
معلوماتلرنہ مراجعت اولنسنہ بالذاکرہ قرار  
و یریلہ رک اکیال محاکمہ نک یوم آخرہ تعلیق  
قلندیغی طرفینہ تفہیم اولندی

( ایکنجی محاکمہ )

سنہ مرقومہ جاذی الاولینسک طقوزنجی جمعہ  
ایرتسی کونی متهم محمود بک توفیقخانہ دن جلب  
ایله مافوقی رتبہ ده بولنان ضابط و مدعی عمومی  
معاونی و وکیل مومی الیهم حاضر بولندقلری  
حالده علناً اکیال محاکمہ به ایتمار ایله هیئت محکمہ  
قسماً تبدل ایتمدیکی جهتله ضبط سابق بعدالقرائہ  
طرفینک تصحیح ایتمدیرہ جکلری برجهت اولدیغی  
لدی السؤال اکلاشلغله کچن محاکمہ ده جلبلرنہ  
قرار و یریلانلردن ورود ایدن عساکر نظامیہ  
افرادندن عثمان و مصطفی ایله بوفہ جی قسطنی  
بعدالتحلیف منفرداً و مواجہتاً استجواب اولندقلرنده  
بونلردن عثمان وقعه کبجه سی پولیس حسن افندیکنک  
معیتندہ اولہرق رفیق مصطفی ایله چارقبجی

محلّه سنده قول کز مکده لایکن چایردن طوغری  
 بر سلاح انداخت اولتمسی اوزرینه سلاح اتیلان طرفه  
 قوشوب دره به متصل اولان باغ درونندن برس  
 ایشتمدکری ائنده تکرار سلاح اتلغه مذکور  
 باغه بالدخول بر یسنگ مجروحاً و افاده به غیر مقتدر  
 اوله رق یا تمده اولدیغنی کوردکلرنده پولیس  
 حسن افندی بری کوشکک مطبخ پنجره سندن  
 کیریوردیه رک کندولرینی کوشکک اطرافنه  
 نقطه وضع ایلدیکنی و مؤخرأ اطرافدن ورودایدن  
 ضابطان و نفرات کوشکک دروننه کیروب طون  
 و کوملک ایله بر یسنی دردمتله کندولرینه تسلیم  
 ایتدکلرینی بیان ایتیکله جانب ریاستدن مضبوط  
 افاده سنده مذکور کوشکک مطبخ پنجره سندن  
 برینک امان اغابک دیهرک ایچرویه کیرمش  
 اولدیغنی کوردیکنک محرر بولندیغنی تفهیم اولندوقده  
 مرقوم عثمان بر یسنگ کیرمش اولدیغنی کورمش  
 ایسه ده قرانلق اولدیغنی جهته تشخیص ایده مدیکنی  
 تذکار و وکیل مومی الیه سیون افندی دخی  
 اولکی افاده سنده پنجره دن دخول ایدن ادمی  
 کورمدیکنی و مؤخرأ کورمش اولدیغنی بیان  
 ایتیکله ایدوکندن بو افاده لرینک قنغیسنگک طوغری  
 اولدیغنی صورلسنی طلب اتمسی اوزرینه  
 لدی السؤال مؤخرأ اولان افاده سنی مصرأ تکرار  
 ومصطفی دخی مرقوم عثمانک سوزینی تأیید  
 وتصدیق ایله انجق پولیس حسن افندی اغابک  
 دیهرک بر یسی پنجره دن کیریوردیمش و کندولرینی  
 اطرافنه نقطه وضع ایش اولدیغنی ولدی السؤال

دائرة استنطاقده دخی بوجهت مومی الیه حسن  
 افندی مسموعی اولوب کندوسی کوروب  
 ایشتمدیکنی اتیان ایلدیکی مثللو کندولرینه ضابطلری  
 طرفندن بیاض طون و کوملک ایله درون کوشکده  
 طوتلش بر شخص تسلیم اولنوب سلیمیه قشله سنده  
 کوتورمش ایسه لده ظلمت لیل حسبیله حضور  
 محکمه ده بولنان محمود بک اولوب اولدیغنی  
 تشخیص ایده میه جکنی تذکار و قسطنطینی دخی  
 بووقعه دن برهفته اول بر کچه محمود بک سرخوش  
 اولدیغنی حالده غازینوده اوتورمده ایکن ساعت  
 اوج اوج بیغه تقرب ایتدیکندن غازینوی  
 قیامق اوزره فنارلری سوندیرمه قالدیغنده مرقوم  
 محمود بک همان بلندن طبانجه چکوب اوزرینه  
 انداخت ایش ایسه ده کندوسی سیراله رق  
 تصادف ایتدیکنی و برادری علی بکه وقوعاتی  
 سو یلدیکنده بن اندن طبانجه بی الورم دیهرک  
 ابرتسی کونی مومی الیه محمود بکدن طبانجه بی  
 الدیغنی سو یلدیکنی مضبوط افاده سی وجهله بیان  
 و بووقعه حقه ده اولان معلومات و مسموعایتدخی  
 وقوعات کچه سی محمود بک مزبوره ماریه ایله  
 موده ده ایکی شیشه راقی ایچوب بر لکده بغورنجی  
 چشمه سندن طوغری کلکده لر ایکن پاپاسک بغچه سی  
 درونندن سرخوش لوق حاله باغلی چکنیه رک  
 کچدکری ائنده بغچوان اولاح دیمتری ایله اوغلی  
 قسطنطینی و نیقولی کوره رک یول کوستردکری مسموعی  
 اولدیغنی کبی صندالجی فائق دخی وقعه کچه سی  
 ساعت درت بیچق راده لرنده صندالنه باقی اوزره

دکز کنارینه کیدوب صندالنی براقدیغنی یرده  
 بوله مدیغنی جهته اوراده بولنان صندالردن برینه  
 راکبأ صندالنی ارامق اوزره دکره چیددیغنده  
 متهم محمود بک کندو صندالی ایله قاری برابر  
 اولیوب یالکز اوله رق کلکده اولدیغنی کوروب  
 زه به کتدیکنی محمود بکه صوردیغنده (جانک برابر  
 ایسه کل) دیمسی اوزرینه مرقوم فائق خوفندن  
 ناشی قاچدیغنی سینم کندوسنه حکایه  
 ایتدیکنی کبی صباحلین دخی مرقوم فائق صندالنی  
 محمود بک پدرینک کوشکی یاننده باغلی کوردیکنی  
 و مرقوم محمود بکک سلاحی ایله چاکتی مقتوله  
 ماریه نک یاننده بولنوب برادری علی بک دخی  
 جارح بودر دیهرک محمود بکی قوله تسلیم ایتدیکنی  
 ایشتمدیکنی مضبوط افاده سنده علاوه اوله رق تذکار  
 ایتیکله اشبواخباراته قارشونه دیه جکی مرقوم محمود  
 بکدن صورلدوقده بونلرک اصل و اساسی اولیوب  
 طبانجه انداخت ایتدیکنی کبی فائق صندالنه دخی  
 بیدیکنی و کچن محاکمه ده مدعی شخصی واسیل  
 زوجه سی ماریه ایله کندوسی فائق صندالنده  
 کورلمش اولدیغنی سو یلدیکنی حالده شمعی قسطنطینی  
 یالکز اوله رق صندالده کورلدیکنی افاده ایلدیکنی  
 جهته قبول ایده میه جکنی اتیان ایتیکله مرقوم  
 قسطنطینک افاده سنده اسملری سبق ایدن صندالجی فائق  
 و سینم و بغچوان دیمتری و قسطنطینی نقولی ایله دعوت  
 اولندیغنی حالده ورود ایتیمان پولیس حسن افندی  
 جلبلر یله معلوماتلرینه مراجعت اولتمسی لزومه  
 لدی التذکره قرار و یر یلهرک اکیال محاکمه ماه مذکورک

اون التبحی جمه ابرتسی کونه تملیق قلندیغنی  
 طرفینه تفهیم اولندی



( اوچنجی محاکمه )

یوم مذکورده ساعت التی راده لرنده متهم مرقوم  
 محمود بک علی الاصول توقیفخانه دن بالجلب  
 مافوقی رتبه ده بولنان ضابط و معاون و وکیل  
 مومی الیه حاضر اولدقلمی حالده علناً اکیال  
 محاکمه به بالابتدار هیئت محکمه قسماً تبدل ایتدیکنی  
 جهته ضبط سابق بعد القرائه طرفینک تصحیح  
 ایتدیره جکری برجهت اولدیغنی لدی السؤال  
 اکلاشلغله لزوم جلبلرینه قرار و یریلان بغچوان  
 نیقولینک ازیمید جانبنده اولدیغنی و صندالجی  
 سینمه مک بولدیربه مدیغنی و پولیس حسن افندی  
 مأموریتندن استعفا ایدرک مملکتی جانبنه کتدیکنی  
 جواباً اشعار اولتمش و جلب اولنان یکریمی بریاشنده  
 ایاقپوسی صندالجیلرندن فائق ایله قاضی قریه سنده  
 متصرف اولدیغنی بغچه ده بغچوانلق ایدن یتش  
 یاشنده یانیه لی دیمتری و مرقومک اوغلی یکریمی  
 درت یاشنده بغچوان قسطنطینی قانون مذکورک ایکی  
 یوز التمش سکرنجی ماده سنده توفیقاً بعد التحلیف  
 ( مابعدی وار )

( محکمه تمیز جزا دائره سی )

ازاله بکر دعوالزنده طرفین اجرای عقده اظهار موافقت ایلدکری یعنی طالب ازدواج اولدقلری حالده مرجعجه ایجابی اجرا اولتمسلیله اکتفا اولتمق لازم کلور ایکن بوندن ذهول اولنه رق محاکمه به دوام وفاعانک محکومیتیه قیام اولتمسی نقض حکمی موجب اولور

( خلاصه اعلام )

بوردر سنجاعی بدایت محکمه سی جزا دائره سنک فی ۱۷ کانون اول سنه ۱۲۹۹ تاریخ والی درت نومرولی اعلامیه اوراق متفرعه سی باش مدعی عمومیلک مأموریت علیه سنندن فی ۲۲ شعبان سنه ۳۰۱ وفی ۴ حزیران سنه ۳۰۰ تاریخ وسکزیوز التمش طقوز نومرولی تبلیغنامه سیله محکمه تمیز جزا دائره سننه اعطا قلمسی واعلام مذکورک خلاصه مالی غری قره اغاج قضاسنک علی الدین قریه سی متکلمنندن حاجی علی اوغلی کریمه سی فاطمه نک جبراً بکرینی ازاله ایتمسندن طولابی مظنون علیه اولان تیمورجی اوغلی مصطفانک جنایتله وفرارده اولوب مرقومه معاونت ایدن صولاب اوغلی حسین الله کل حسن اوغلی عثمانک جنحه ایله اتهاملرینه وجاهاً و غیباً قرار ویرلدکن صکره اجرای محاکمه علیه لرینه لدی الابدان مرقوم مصطفی جبرک وقوعی انکار

( فقره حکمییه )

ایله مرقومه نک ازاله بکر کاندوسنک تکلیف موافقتی اوزرینه اولدیغنی درمیان ومزبوره دخی تحویل لسان ایدرک مصطفانک شو سوزینی تصدیق واعتراف ومدافعه وکیلی دخی اجرای عقد اولتمق اوزره کیفیتک شرع شریفه حواله اولتمسنی طلب وافاده ایتمش ایسه ده مرقوم مصطفانک فعل مذکوره جبراً جرأتی براهین قویه و اخبارات ایله ثابت اولدیغنه و بواحوال حقوق عمومیه به متعلق بواندیغنه مبنی جزا قانوننامه هماونک بوزطقمان سکرنجی ماده سننه توفیقاً وتاریخ حبسندن اعتباراً بعدالتشهر مصطفانک اوج سنه مدتله کورکه قونلسنه ورفیقلری حسین و عثمانک دخی قانون مذکورک ایکوز نتیجی ماده سی ذیلنک فقره اخیره سی موجبجه التیشرای حبسی وجاهاً و غیباً قرار ویرلدیکنی حاوی و تبلیغنامه دخی حکم وجاهی جهتنک تصدیقی طلبینی محتوی بولتمسی اوزرینه محکمه تمیز جزا دائره سی اسباب آتیه به مبنی فی ۲۳ ربیع الاول سنه ۱۳۰۲ وفی ۲۹ کانون اول سنه ۳۰۰ تاریخ و ۱۹۱۷ نومروسیه اعلام مذکوری نقض ایتمشدر

سائر اوراق دعوی دخی قرائتله اعلامک مرقوم مصطفی حقنده اولان جهتی تمیزاً تدقیق اولندی صورت اشعاره نظراً متهم مرقوم عند المحاکمه

( خلاصه اعلام )

مرعش سنجاعی بدایت محکمه سنک فی ۲۸ شعبان سنه ۱۳۰۱ وفی ۹ حزیران سنه ۳۰۰ تاریخلی والی بر نومرولی اعلامی اوراق متفرعه سیله برابر باش مدعی عمومیلک مأموریت علیه سنندن فی ۲۹ شوال سنه ۳۰۲ وفی ۲۹ تموز سنه ۳۰۱ تاریخلی واتیوز اون سکز نومرولی تبلیغنامه ایله محکمه تمیز جزا دائره سننه اعطا قلمسی و اعلام مذکورک مفادی طقسان بش سنه سی ذی القعدة سنک اون طقوزنجی چهارشنبه کیجه سی البستان قضاسنه تابع لورشون قریه سی امامی ملا محمدک وقوعبولان قتلدن طولابی مستنطق قرارنامه سی وجهله هیئت اتهامیه جه جنایتله اتهام اولنسان قریه مذکورلی اسماعیل چاوش اوغلی یکریمی یاشنده ایوب و عثمان اوغلی اون سکز یاشنده مصطفانک اجرا قنسان محاکمه علیه زنده مرقوم ایوبک مصطفا معاونتیه من غیرتعهد قتل مذکوره جرأتی اخبارات و امارات ایله ثابت اولدیغندن فعللرینک جنایت نوعندن اولدیغنه وتاریخ مذکوردن اعتباراً قانون جزانک بوزیتش دردنجی و بوزیتش بشنجی ماده لرینه توفیقاً بعدالتشهر ایوبک اون بش و مصطفانک اوج سنه مدتله کورکه قونلرینه ومصارف محاکمه ایله خرج اعلامک استیفا سننه دائر مقدما تنظیم اولنان اعلام محکمه تمیز جزا دائره سنندن شاهدلر حقنده متهم وکیلی طرفندن عند المحاکمه وقوعبولان اعتراض حقنده بالمداکره اعطای رأی اولتمش اولسندن ناشی نقضی موجب اولور

( محکمه تمیز جزا دائره سی )

بر اعلام شهود حقنده وقوعبولان مدافعه نقطه سنندن نقض اولدیغنی حالده طرفین تشکیل ومدافعه واقعه تدقیق اولتمسز بن یالکزمذاکره کیفیتله منقوض اولان حکم سابقک تصدیقنه قرار اعطاسی قواعد کلبه قانونیه به مخالف اولغله بوسورتله محدداً تنظیم اولنان اعلامک نقضی موجب اولور

وخرج تعرفه سنك قرقچي ماده سي اقتضاسنجه  
نقض اعلامي خرجي اولان ايكبوز غروشك  
تحصيلي لزومه قرار و يرلدی



# اعلان

ازمیده تابع میخالیج قر به لی عزب اوغلی یانینک  
لیلاً خانه سی باصیله رق زوجه سی سورمه لی  
خانونه اشکنجه اجراسیله نقود و اشیای سائر لرینی  
اخذ و غصب ایتدکری ادما اولتسنندن طولابی  
جنایتله متهم و موقوف بولنان قره یقه لی منصور  
وکل اسماعیل و قوچی محمد و قوری محمد نام کسنه لرک  
رقاسندن اولوب وادی فرارده بولنان و محل  
اقامتی مجهول اولان اورته بویلی و طقنازجه  
وصاری بکزلی غایت از صاریجه بقیلی کوسه رک  
اوتوز یاشلرنده تبعه دولت علیه دن ارنبود  
دیتری به بوکره طرف ریاستدن مجدداً اون کون  
مهل و یرلدیکندن مدت مذکوره طرفنده ینه اثبات  
وجود ایتیه جک اولور ایسه قانونه اطاعت  
ایتماش نظر یله باقیله رق اصول محاکمات جزاییه  
قانون موقتک باب رابعنک فصل نایسننده محرر  
مواد احکامنه توفیقاً محاکمه غیایه سی بالاجرا  
حقوق مدینه دن اسقاط ایدیله جکی و اموالنک


ایله اعاده اولتسی اوزر ینه هیئت محکمه بالتجمع  
مذاکره کیفیته لدی الابتدار وکیلک سرد ایتش  
اولدیغی اعتراضات و مدافعات و شهادات واقعه یی  
چور یدر درجه ده براساسه مستند اولدیغندن  
بشقه قانوناً نظر التفاته دخی النور مواددن  
اولدیغندن ردیله مارالذکر حکم واقعتک تصدیقنه  
قرار و یرلدیکندن عبارت اولسی و تبلیغنامه ده  
دخی اعتراضه محل اولدیغی کوسه ترلسی اوزر ینه  
محکمه تمیز جزا داتره سی اسباب آتیه به مینی  
فی ۲۸ ربیع الاخر سنه ۳۰۳ و فی ۲۱ کانون  
اول سنه ۳۰۱ تاریخ و ۱۰۶۱ نومروسیله  
مذکور اعلامی نقض ایتشدر

( فقره حکمییه )

سائر اوراق دعوی دخی مطالعه ایله کیفیتک  
تدقیقات تمیزیه سنه ابتدار اولندوقده هر نقدر  
مذکور مرعش محکمه سنجه برمنوال محرر حکم  
سابق تأیید و تصدیق اولتس و تبلیغنامه ده دخی  
اعتراضه محل کور یله مدیکی بیان قلمش ایسه ده  
مقدمه کوندر یلان اعلام بو باده اخبار ماده  
ایتش اولان شهود حقنده وقوع بولان مدافعه  
نقطه سندن نقض اولندیغی حالده طرفین تشکیل  
و مدافعه واقعه تدقیق اولتسزین یالکز مذاکره  
کیفیتله منقوض اولان حکم سابقک تصدیقنه قرار  
اعطاسی قواعد کلیه قانونیه به مخالف اولغله اصول  
محاکمات جزاییه قانونک اوچبوز اون دردیجی  
ماده سنه توفیقاً ذکر اولنان اعلامک نقضنه

دخی تحت حجزه النده جعی و بوسره ده کندوسنک  
برکونه دعوایه حق و صلاحیتی اولیه جعی  
و بولندیغی محلی بیلانر خبر و یرمکه و کندوسنی  
در دست ایتکه بالجمله ضابطه عدلیه مأمورلر ینک  
مجبور اولدقلری بیلمک اوزره اعلان کیفیته  
ابتدار اولنور


فی ۱۰ شباط سنه ۳۰۱



یک اوچبوز برسنه سی تشرین ناینک اون  
طقوزنجی صالی کونی صحرای جدید جوارنده  
کوز تپه ده طاش او جا قلمنده کائن کابه ده  
طرنوی مهاجر لرندن التی یاشنده علی به فعل شنیع اجرا  
ایتمسندن طولابی مظنون علیه اولوب هیئت  
اتهامیه دن غیباً جنایتله اتهام اولنان اورته بویلی  
طقنازجه از تر سیاه بقیلی و سیاه قاشلی و قرمز  
بکزلی و قره کوزلی و بکریمی ایکی یاشنده و محل  
مذکورده مقیم فراری خلیل بن حسین نام شخص  
الآن اله بکوره یله مدیکندن اصول محاکمات  
جزاییه قانون موقتک اوچبوز یتش برنجی ماده سی  
حکمنه توفیقاً قانونه اطاعتله محکمه به کلک اوزره  
اشبو تاریخدن بالاعتبار جانب ریاستدن فراری  
مرقومه اون کون مهل و یرلش اولغله مدت مذکوره  
ظرفنده محکمه به کلدیکی حالده قانونه اطاعت ایتماش  
نظر یله باقیله رق محاکمه غیایه سی بالاجرا حقوق  
مدینه دن اسقاط اولنه جعی مثللو اموالی دخی

حجز ایدیله جکی و بواشاده برکونا دعوایه حق  
اولیه جعی و مرقومک بولندیغی محلی بیلانر خبر  
و یرمکه و بالجمله ضابطه عدلیه مأمورلر ینک  
دخی مرقومی اخذ و گرفت ایتکه مجبور اولدقلری  
و فراری مرقوم حقنده اخذ و گرفت امری اعطا  
قلمش اولدیغی بیانیه اعلان کیفیت اولنور


فی ۱۵ شباط سنه ۳۰۱



ازمید سنجاغنه تابع چینی قر به سی ساکنلرندن  
خلیلک کریمه سی اون درت یاشنده فاطمه نک  
جبراً بکرینی ازاله ایتدیگی ادما اولتسنندن طولابی  
مظنون علیه اولوب الآن وادی فرارده بولنان  
اورته بویلی قره واری کوزلی مطروش چکه لی  
قره قاش و قره صاچلی اسمر و جهلی مهاجر مجده  
اسناد اولنان فعلدن طولابی اتهامنه اماره کافیه  
موجود اولوب حرکتی قانون جزانک یوز طقسان  
سکرنجی ماده سی حکمنی مستلزم افعال جنایتیه دن  
اولغله ازمید بدایت جزا محکمه سنده غیباً محاکمه سی  
اجرا اولتق اوزره جنایتله اتهامنه متفقاً قرار  
و یرلش ایدوکنندن متهم مرقوم فراری محمد  
هر زرده کور یلور ایسه طوتیلوب محکمه  
مذکوره حبسخانه سنه تسلیمی لازم کله جکی بالجمله  
ضابطه عدلیه مأمورلر ینک معلومی اولتق اوزره  
اشبو اخذ و گرفت امری در سعادت محکمه

استینافیه سی نزدنده متشکل هیئت اتهامیه دن  
بالتسطیر اعطا قلندی

فی ۲۷ جاذی الاول سنه ۳۰۳ و فی ۱۹ شباط سنه ۳۰۱




مرجانه چایچی علی بی جرح و قتل ایتمسندن طولایی  
مظنون علیه اولان محل مذکورده مقیم دیویتکاری  
اورته بویلی اسمر چهره لی الا کوزلی قره بیقلی  
وصاچلی ایرانی میشه محمدک فرار ایتمسندن  
و حقنده اجرا اولنان تحقیقات اوزرینه هیئت  
اتهامیه جه اتهامنه قرار ویرلسندن ناشی اصول  
محاکمات جزاییه قانون موقتک اوچبوز یتش  
برنجی ماده سی موجبجه حقنده احکام قانونیه  
و معامله غیایه ایفا اولنهرق بوز یتش دردنجی  
ماده سنک فقره او ایسنه توفیقاً اون بش سنه  
مدتله کورکه قونلسنه و اوتوز برنجی ماده  
منطوقجه حقوق مدنیه دن اسقاطیله اموالک  
جزینه محکمه جنایتدن غیاباً حکم اولمش و ذکر  
اولنان اصول محاکمه جزاییه قانونک اوچبوز  
یتش یدنجی و اوچبوز یتش سکرنجی و اوچبوز  
سکسان برنجی ماده سیله مواد سائر سنک احکامنه  
توفیقاً معامله اجراسی مرجعه بیلدیرلمش اولغله  
اعلان کیفیته ایتدار قلندی

فی ۴ جاذی الاخره سنه ۲۰۳ و فی ۲۶ شباط سنه ۳۰۱

غلطه ده شربخانه زقاغنده ساکنه اغونی خاتونه  
قتل قصدیله زوولور انداخت ایتمسندن طولایی  
مظنون علیه اولان محل مذکورده مقیم کورجی  
اورته بویلی قره کوزلی اسمر چهره لی و قره بیقلی  
وصاچلی ایرانی ابراهیم فرار ایتمسندن و حقنده  
اجرا اولنان تحقیقات اوزرینه هیئت اتهامیه دن  
اتهامنه قرار ویرلسندن ناشی اصول محاکمات  
جزاییه قانون موقتک اوچبوز یتش برنجی ماده سی  
موجبجه حقنده معامله غیایه ایفاسیله غیاباً  
محاکمه سی بالاجرا مرقوم ابراهیمک قانون جزانک  
بوز سکسانجی ماده سنک علاوه سنه تطبیقاً اویج  
سنه مدتله کورکه قونلسنه و اوتوز برنجی ماده  
قانونیه منطوقجه حقوق مدنیه دن اسقاطیله  
اموالک جزینه محکمه جنایتدن غیاباً حکم اولمش  
و ذکر اولنان اصول محاکمه جزاییه قانونک  
اوچبوز یتش یدنجی و اوچبوز یتش سکرنجی  
و اوچبوز سکسان برنجی ماده لریله مواد سائر سی  
احکامنه توفیقاً معامله اولمشی مرجعه بیلدیرلمش  
اولغله اعلان کیفیته ایتدار قلندی

فی ۴ جاذی الاخره سنه ۳۰۳ و فی ۲۶ شباط سنه ۳۰۱



قره مرسل قضا سنه تابع یالوه ناحیه سنک لاله دره

قریه سی ساکنلردن وارمنی ملتندن خچاطور  
اوغلی کر قوری طبانجه قورشونیه قتل و اتلاف  
ایتمسندن طولایی مظنون علیه اولان قیون  
تجارلردن ارنبود سیدکنخدانک چو بانلی اولوب  
فرارده بولنان اوتد بویلی صاری بیقلی و صاریجه  
قاش و صاچلی و از بچق ششمانجه عن اصل دبره  
قضا سنک اسلاطنه قریه سنندن اوتوز بش یاشنده  
ارنبود حقینک فعل قبلی ایقاع ایلدیکی عندالتدقیق  
اوراق تحقیقیه مللرندن اکلاشلمش و حرکت  
واقعه سی قانون جزانک بوز یتش دردنجی ماده سی  
حکمنی مستلزم افعال جنایتیه دن اولدیغنه و اصول  
محاکمات جزاییه قانون موقتک باب رابعنک فصل  
ثانیسنده محرر مواد احکامنه توفیقاً و غیاباً ازمد  
بدایت جزا محکمه سننده محاکمه سی اجرا اولمش  
اوزره جنایتله اتهامنه متفقاً قرار ویرلمش و متهم  
مرقوم هر زرده کور یلور ایسه طوتیلوب محکمه  
مذکوره حبسخانه سنه تسلیمی لازم کله جکی بالجمله  
ضابطه عدلیه مأمورلرینک معلومی اولق اوزره  
اشبو اخذ و کرفت امری در سعادت محکمه  
استینافیه سی هیئت اتهامیه سنندن تسطیر واعطا  
قلندی


فی ۵ جاذی الاخره سنه ۳۰۳ و فی ۲۷ شباط سنه ۳۰۱



اوخانس اونجیان افندیکن لامبرینی قادین ذمتنده

با اعلام الاجتی اولان مبالغ معلومدنک تأمین  
استیفاسی ضمنده داینک عهده سنه و فاء فراغ ایلدلمش  
اولان قاضی قریه سننده عثمان اغا محله سننده  
سکودلی چشمه جاده سننده مکرر بوز یکریمی ایکی  
نومرو ایله مرقم ایکی باب خانه و تحتنده کاش ایکی  
باب دکانک فروختی محکوم بولغله تاریخ اعلاندن  
اعتباراً اون بش کون صکره مزایده سننه مبادرت  
اولنه جعی اسکدار بدایت محکمه سی اجرا  
دائره سنندن اعلان اولنور

فی ۲۶ شباط سنه ۳۰۱



حاجی احمد حلی افندیکن در سعادت بدایت  
محکمه سی ایکی حقوق دائره سنندن و بریلان  
فی ۲۰ مارت سنه ۹۸ تاریخلی و اوتوز بش  
نومرولی برقطعه اعلام موجبجه راقه سعادت  
حام ذمتنده محکوم به مطلوبی بولنان مبالغ  
تسویه سمون کوجک مصطفی پاشا جوارنده  
ملاخسرو محله سننده جام زقاغنده واقع تخمیناً  
سکسان ارشون عتیق واللی اویج بچق ارشون  
اون یدی برقی جدید مز بوره نک متصرنه اولدیغی  
درت نومرولی محترق منزل هر صد مددن نصفی  
بولدن اقدام بالمزایده لیرای عثمانی بوز غروش  
حسابیله بیک ایکی بوز غروشده طالبی عهده سننده  
تقرر ایتمک بوزده بش ضمیمه طالب اولانلرک  
تاریخ اعلاندن اعتباراً نهایت اوتوز برکون

اولدیغی حالده تاریخ اعلاندن اوتوز برکونه دکن  
محکمه مذکوره اجرا مأموریتنه مراجعتلی  
اعلان اولنور  
فی ۳ مارت سنه ۳۰۲

ظرفنده در سعادت بدایت محکمه سی اجرا د اثره سنه  
مراجعت ایملری اعلان اولنور  
فی ۲۷ شباط سنه ۳۰۱

چرکس محمد بکک  $\frac{۲۰۲}{۲۱}$  نومرولی اعلام موجنبجه  
مؤذن حضرت شهر یاری علی افندی به دینی اولان  
مبالغ معلومه نك تسویه سی ضمنده طو بخانه ده  
قره باش محله سنده اوچنجی دره زقاغنده ۱۰  
و ۱۲ و ۱۴ و ۱۶ نومرول ابله مرقم درت باب  
خانه ده والده سی متوفاة عایشه خانمدن منتقل متصرف  
اولدیغی بر ربع حصه شایه لری عند المزایده  
لیرا یوز غروش حسابله بیک التیور غروش بدل  
ایله طالبی عهدده سنده تقرر ایلمش اولدیغندن تاریخ  
اعلان اعتباراً اوتوز برکون طرفنده بدل مذکور  
اوزرینه یوزده بش ضمیمه طالب اولنلرک بک  
اوغلی بدایت محکمه سی اجرا مأموریتنه مراجعت  
ایملری اعلان اولنور  
فی ۵ مارت سنه ۳۰۲

دولت علیه تبعه سنندن قسطی افندی نك بکقوز  
بدایت محکمه سنک  $\frac{۹۸}{۲۸}$  نومرولی اعلامی موجنبجه  
پاشا بقیچه سنده ساکنه تبعه دولت علیه نك  
روم ملتندن مار یوره خاتون ذمتنده اولان اله جفنگ  
تأمینی ضمنده محجوز بولنان کوک صوده واقع  
صوباشی بقیچه سی دیمکله عریف بر باب بوستان  
دروننده موجود بین الاصناف کدک تعبیر اولنور  
الات لازمه معلومه والد ماجد حضرتلر نك  
وقف شریفی مسقاتندن یومی طقوز اقبجه اجاره  
مؤجله لی اون سکر رقیله مرقم برقطعه بوستان  
کدیکی دروننده اوچ قطعه دولاب وایکی او طه  
و برصانلق و براخور اون التي سهم اعتبار یله  
اون بر بقیچه سهمی خرستو ولد طنش عهدده سنده  
ایکن وقاتیله صلبی اولاد لری الانقو واز مراغده  
ومار یوره و بورکی و نیقولی و خرستو یه عادیاً  
وسویاً انتقال ایتکله ورثه مزبوراندن مزبوره  
مار یوره نك حصه شایه سی بکقوز بدایت محکمه سی  
اجرا معرفتیه لیدی المزایده لیرا یوز غروش  
درت نیک الی غروشده طالبی عهدده سنده تقرر  
ایتمش اولدیغندن یوزده بش ضمیمه زیاده طالبی